

什邡縣志卷四十二

仙釋志

周

李冰秦昭王時守蜀開成都兩江漑田數十萬頃時江神歲降祠巫取童女二人為婦冰至約自以其女與江神為婚往至神祠勸神酒神辭逗溜冰厲聲責之因忽不見良久有兩蒼牛鬪於岸傍有間冰還流汗謂官屬曰吾鬪急當相助南向腰中正白者我綬也復入水鬪簿佐乃刺殺北面者江神

什邡縣志

卷四十二

仙釋

遂絕後治洛水功成遂昇仙去蜀人慕其氣勇凡壯盛者皆曰冰兒

丁志

漢

李阿蜀之雒人世傳不老有人名古强者隨阿入青城山恐有虎狼取大刀隨行阿見而怒取強刀以擊石刀遂折散強雖不敢言竊念刀敗頃之阿復取刀左右擊地刀復如故

丁志

隋

劉珍什邡人開皇中居瀘州安樂山忽一日取所藏

經及鐘磬封於石室曰後六十年當有聖君取之  
又曰吾功行已成四月之望當上昇遂自以火化  
是日珍至長安朝見隋文帝自言飛昇事帝未信  
遣使訪之悉符所言遂爲之建三觀焉後唐高宗  
異其事命啓石室取所藏經及鐘磬以進顯慶中  
詔李淑書所傳三觀偈宋治平中賜額延真

丁志

唐

李真人居龍居寺時修造殿宇寺山木便運者將盡  
乃過彭門諸山募材木三百餘料置河岸下方欲

什邡縣志

卷四十二

仙釋

二

紫筏遞運一日水漲漂去匠作立候真人指寺左  
巖下水湧處曰彼有木可往取之匠至果見有大  
木斜插巖穴中拔之殊不費力轉睫木插如初遂  
陸續搬運用之不竭寺人驗之卽前所募木也廊  
廡落成後猶剩一木塞穴中拔之不得出至今堅  
黑不朽寺前有井名秀華忽一日李語人曰我當  
去矣里人守之夜半見真人佩劍入井遂絕跡唐  
明皇幸蜀時聞之賜額龍泉

丁志

衛真人唐賜希微之號事莫可考墓在縣署左宋端

平間邑令吳中玉爲立石

丁志

按史志續補載衛真人南陽人諱率從兄謂宦蜀過太華山遇異人授以按摩之術後羽化墓在本縣署後左出王子晉仙筆此仙筆不知何書殊荒誕不足信按摩小術亦無賜號真人之理今墓石篆字雙行惠應希微衛真人墓八字旁書端平丙申仲春旦邑令吳中孚立丁志無惠應二字又吳中孚作吳中玉按秩官亦作吳中玉未知孰是此墓石是否原立亦未可知又

按後周衛元嵩益州成都人爵蜀郡公潛心至道著易元包宋什邡令楊楫序謂初至什謁衛先生祠遇邑進士張景初得其書又云墓在縣廡東偏邑人崇奉不絕是真人墓卽元嵩或自成都遷什故祠墓俱在什乃北周人非唐人也但不知唐時何以有惠應希微真人之號楊序亦未之及且稱衛先生則謂唐賜希微之號者或後世附會之辭與抑或別有衛先生墓而今失之與姑並識於此以備考紀大奎識

陳什邡唐明皇入蜀時貴妃雖死上竊憶之召陳行齋壇禮求神於冥冥上彷彿見妃若平日狀但不可近耳厥後一夕語其徒曰爲生勝耶爲死勝耶衆曰生勝良久曰爲汝輩再住三年如期而化號

玉川

丁志

波崙明皇時高僧心殊會傳云帝聞波崙師道德神異召至闕賜金劔寶鉢師欲歸遂先飛劔回至此落古井中後因建寺號曰慧劔今井在正殿中壓之歷年人不敢開視按維摩經云以智慧劔破煩

什邡縣志

卷四十二

仙釋

四

惱賊寺之名或亦本諸此

丁志

馬大師名道一什邡人俗姓馬氏生於唐中宗景龍三年容貌奇異幼落髮受戒於渝州圓律師唐開元中安禪衡山遇懷讓師密授心印闡道江西宗風大衍後行建昌石門山見有洞壑之幽謂其徒曰吾當棲此遂沐浴跣趺而逝年八十元和中賜

號大寂禪師

劉志

明

了恩法號慧山邑羅漢寺僧郫縣左氏子避難於瑩

華山中亂定後乃於洪武四年創修殿宇閱十載而始成後應太祖詔試天下高僧恩呈偈云不會看經不會禪也無佛法與人傳有人問我西來意那箇屋頭無片天奏入太祖覽嘉之授縣僧會給符歸寺兼攝九州縣僧見馬祖錄

明本漢州人少育於姊丈高晟家一日採薪山中驢不行怒砍其耳血流被地心頓悔悟因祝髮為僧入什邡高山寺安鉢功行極苦坐化之日採藥人有自瑩華山來者見本隻履入山云失一履於禪

什邡縣志

卷四十二

仙釋

榻下可令吾徒寄來見者至寺方知其已化云見通志

志德陽治東有歪腦山天順間廣漢僧明本見山

巒翠秀結廬絕頂靜修多年一日山忽大撼師因

去徙什邡之瑩華山德陽志查師號德崑江氏子父

彥斌母齊氏祖籍江南句容人洪武間欽調松潘

衛汛守因寓住廣漢永樂五年丁丑生師父母先

後故因依高晟塔記今瑩華僧仁讓其嫡派法裔劉志

道以周孔為宗事以庸常為近奚必事佛老哉

然而猶龍之目出自尼山彼佛圖澄鳩摩羅什

輩亦非尋常比邱也惟得其意不惑其術且益以驗吾道之確乎不易斯爲得之宋司馬光解禪頌曰忿氣如烈火利欲如銛鋒終朝長戚戚是名阿鼻獄 一顏回安陋巷孟軻養浩然富貴如浮雲是名極樂國 二孝弟通神明忠信行蠻貊積善來百祥是名住因果 三仁人之安宅義人之正路行之誠且久是名光明藏 四言爲百世師行爲天下法久久不可掩是名不壞身 五道義修一身功德被萬物爲賢爲大聖是名菩

薩佛 六 諷詠斯言所謂得其意不惑其術者也

史志朱  
音恬識